



## Akcija **SIPA**: Hapšenja bivših visokih policijskih i vojnih funkcionera Armije RBiH

Među uhapšenima su Šefik Nikšić, ratni zamjenik komandira Policijske stanice Konjic, te Mitko Pirkić, komandant "Akrepa"

Ljiljana **RADIĆ**

**SARAJEVO, KONJIC** - Pripadnici **Državne agencije za istrage i zaštitu BiH (SIPA)** uhapsili su juče 13 osoba osumnjičenih za ratne zločine nad Srbima u Konjicu i okolini.

"Radi se o nekadašnjim dužnosnicima struktura Armije RBiH. Teritorijalne odbrane i MUP-a u Konjicu, osumnjičenim za zločine nad više desetina srpskih žrtava u Bradini, Konjicu i okolini", navedeno je iz Tužilaštva BiH.

Riječ je o osumnjičenima za zločine počinjene u proljeće i ljeto 1992. godine, koji su rezultirali uklanjanjem i prisilnim preseljenjem gotovo cjelokupne populacije stanovništva srpske nacionalnosti s tog područja.

Među navedenim zločinima su ubistva, mučenja, silovanja, zlostavljanja i progoni žrtava, navode iz Tužilaštva.

Nakon ispitivanja osumnjičenih, postupajući tužilac uputiće Sudu BiH prijedlog za određivanje mjere pritvora.

Prema pisanju RTRS, među uhapšenima je Šefik Nikšić, ratni zamjenik komandira Policijske stanice Konjic, zbog dovođenja u vezu s ubistvom ranjenog Srdana



Riječ je o osumnjičenima za zločine počinjene u proljeće i ljeto 1992.

UPUTIĆE  
PRIJEDLOG  
ZA PRITVOR

# 13 uhapšenih ZBOG ZLOČINA NAD SRBIMA u Konjicu

Koprivice i Almir Padalović, koji je kao bivši stražar logora "Čelebići" osumnjičen zbog ubistva Zeljka Klimente.

Velika stradanja bila u selu Bradina



### Ko su uhapšeni:

Šefik Nikšić (55) iz Konjica, Adnan Alikadić (55) iz Konjica, Mitko Pirkić (55) iz Konjica, Safaudin Čosić (43) iz Konjica, Muhamed Cakić (49) iz Konjica, Ismet Hebibović Bročeta (61) iz Konjica, Redžo Balić (55) iz Konjica, Hamed Lukomirak (46) iz Konjica, Almir Padalović (49) iz Mostara, Sead Jusufbegović (76) iz Konjica, Senadin Ćibo (50) iz Konjica, Agan Ramić (55) iz Konjica i Esad Ramić (51) iz Konjica.

Među uhapšenima je i Mitko Pirkić, komandant diverzantsko-izviđačke jedinice "Akrepi", i drugi.

Milorad Kojić, direktor Republičkog centra za istraživanje rata, ratnih zločina i traženje nestalih lica, očekuje da će Sud BiH potvrditi ovu optužnicu Tužilaštva BiH.

"Ovaj predmet obuhvata više od 100 ubistava, odnosno stradalih lica srpske nacionalnosti, četiri silovanja te mučenja i torture u osnovnoj školi preko 50 logoraša. Predmetom su obuhvaćeni zasad visokopozicionirani policijski i vojni funkcioneri", rekao je Kojić za Srnu.

Kojić je dodao da, u skladu sa Strategi-

jom procesuiranja ratnih zločina, ovaj predmet spada u najsloženije za koje je nadležno Tužilaštvo BiH.

Boračka organizacija RS (BORS) upozorava javnost i institucije RS da pažljivo prate proces u vezi s hapšenjem 13 osoba zbog ratnog zločina nad Srbima u Konjicu i ne dozvolje da, kao u ranijim slučajevima, zbog lažnih svjedočenja, promjena iskaza svjedoka ili sličnih pritisaka, dode do oslobađanja očiglednih počinitelja ratnih zločina.

U Konjicu je u ratu ubijeno 382 Srba, od kojih 200 civila u gradu i u logorima "Čelebići" i "Musala", rekao je Srni predsjednik Udruženja Konjičana RS Zoran Pologoš.

**OVAJ PREDMET  
OBUHVATA VIŠE  
OD 100 UBISTAVA,  
KAŽE KOJIĆ**

"Najveći zločin počinjen je u selu Bradina, gdje je 25. 26. i 27. maja 1992. godine pobijeno 36 ljudi. Svo stanovništvo deportovano je u logore u Konjicu, u osnovne škole u Bradini i Donjem Selu. Kuće su opljačkane i popaljene, cijelo selo je etnički očišćeno. Za ovo dosad niko nije odgovarao", istakao je Pologoš.

Predsjednik SDS-a Vukota Govedarica izjavio je da očekuje da će pravosudne institucije BiH odgovorno i ozbiljno pristupiti daljoj proceduri u slučaju hapšenja 13 osoba.